

Bosna i Hercegovina
Federacija Bosne
i Hercegovine

Bosnia and Herzegovina
Federation of Bosnia and
Herzegovina

KANTON SARAJEVO
Javna ustanova "Centar za
napredne tehnologije
u Sarajevu"



CANTON SARAJEVO
Public Institution "Center for
Advanced Technologies
in Sarajevo"

Broj: 256-030/20
Datum: 10.12.2020. godine

Na osnovu člana 70. Zakona o javnim nabavkama BiH („Službeni glasnik BiH“, broj: 39/14), na preporuku Komisije za javne nabavke, direktor JU „Centar za napredne tehnologije u Sarajevu“, donosi:

ODLUKU O PONIŠTENJU

**javne nabavke po obavještenju o javnoj nabavci za izbor najpovoljnije ponude za robe:
nabavaka laboratorijske opreme**

I

Poništava se konkurentski zahtjev za nabavku laboratorijske opreme: nabavka laboratorijskog uređaja za hemijsku i termičku obradu materijala opremljenog mjeračima protoka, manometrima, PLC i ostalom pratećom opremom broj 238-030/20 od 17.11.2020. godine, broj Obavještenja sa portala javnih nabavki: 22651-7-1-17-3-1/20 od 19.11.2020. godine, u skladu sa članom 69. tačka 1. i 2. d) Zakona o javnim nabavkama („Službeni glasnik BiH“, broj 39/14).

II

Odluka stupa na snagu sa danom donošenja i ista se objavljuje u informacionom sistemu e-nabavke, na web stranici JU „Centar za napredne tehnologije u Sarajevu“ istovremeno sa upućivanjem odluke ponuđaču koji je učestvovao u postupku javne nabavke, sukladno članu 70. tačka 6. Zakona o javnim nabavkama („Službeni glasnik BiH“, broj 39/14).

O b r a z l o ž e n j e

Odlukom direktora JU „Centra za napredne tehnologije u Sarajevu“ broj 238-030/20 od dana 17.11.2020. godine pokrenut je postupaj javne nabavke laboratorijske opreme: konkurentski zahtjev za dostavu ponuda za laboratorijski uređaj za hemijsku i termičku obradu materijala opremljenog mjeračima protoka, manometrima, PLC i ostalom pratećom opremom – 1 komad za potrebe „Centra za napredne tehnologije u Sarajevu“.

Javna nabavka je provedena putem konkurentskog zahtjeva za dostavu ponuda, čija procijenjena vrijednost iznosi do 34.000,00 KM bez PDV-a.

Obavještenje o javnoj nabavci broj 22651-7-1-17-3-1/20 je objavljeno na portalu javnih nabavki 19.11.2020. godine istovremeno sa slanjem zahtjeva za dostavu ponuda za četiri potencijalna ponuđača e-mailom, što je zakonska obaveza po članu 88. tačka 1. Zakona o javnim nabavkama („Službeni glasnik BiH“, broj 39/14).

Uvidom u Izvještaj o preuzimanju tenderske dokumentacije od strane ponuđača, tendersku dokumentaciju sa portala Agencije za javne nabavke „e-Nabavke“ od datuma objave 17.11.2020. godine zaključno sa 03.12.2020. godine preuzelo je 13 potencijalnih ponuđača.

Komisija je blagovremeno i pravilno izvršila otvaranje ponuda dana 03.12.2020. godine u 12 sati pri čemu je utvrđeno slijedeće: da je blagovremeno pristigla jedna ponuda, i to ponuda ponuđača Thermal Process Solutions d.o.o. Zenica, Travnička cesta br. 1, 72 000 Zenica, zaprimljena 02.12.2020. u 10:35, broj protokola 249/20 te da je ponuda prihvatljiva sa aspekta cijene, jer ponuđena cijena ne prelazi procijenjenu vrijednost javne nabavke.

Komisija je sačinila Zapisnik koji je odmah prosljeđen ponuđaču koji je učestvovao u postupku.

Komisija Ugovornog organa je 10.12.2020. godine pristupila pregledu i ocjeni ponuda te o tome sačinila odgovarajući zapisnik u kojem je utvrđeno slijedeće:

- > Niti original ponude, niti kopija ponude nisu bili čvrsto uvezani tako da se onemogućiti vađenje ili umetanje listova, što spada u uslove iz tenderske dokumentacije;
- > Pojedine stranice ponude nisu numerisane, što spada u uslove iz tenderske dokumentacije;
- > Umjesto prvih stranica originala i kopije ponude sa potrebnim elementima: naziv i sjedište ponuđača, izriječ ponude, oznake: „original ponude“ i „kopija ponude“, ovjera potpisom i pečatom i dr. ponude su dostavljene u plastičnim košuljicama na koje su nalijepljeni manji papiri sa natpisima „original ponude“ i „kopija ponude“;
- > U Prilogu 1. Obrazac za dostavljanje ponude (str. 19 Ponude) ispravka korektorom nije potpisana niti ovjerena pečatom;
- > Dostavljena je notarski ovjerena (broj OPU-OV: 12447/2020 od 1.12.2020. – notar Ramiz Pivić) kopija aktuelnog izvoda iz sudskog registra broj: 043-0-RegZ-19-002343 od 19.09.2019. godine, kao dokaz o sposobnosti obavljanja profesionalne djelatnosti, u smislu člana 46. Zakona o javnim nabavkama („Službeni glasnik BiH“, broj 39/14), koji je stariji 3 mjeseca čime je prekršen uslov tražen u Tenderskoj dokumentaciji za konkurentski zahtjev za dostavu ponuda br. 238-030-02/20 od 18.11.2020. godine (Poglavlje III – Uslovi za kvalifikaciju, stav 1.3. - Sposobnost obavljanja profesionalne djelatnosti, u smislu člana 46. Zakona);
- > Ponuđač nije dostavio tehničku dokumentaciju, crteže i slike čime bi se prevenirali potencijalni nesporazumi u pogledu dimenzija, kvaliteta materijala, oblika radne komore i drugih bitnih tehničkih karakteristika traženog laboratorijskog uređaja, a tehnička dokumentacija, crteži i slike su traženi u Tenderskoj dokumentaciji za konkurentski zahtjev za dostavu ponuda br. 238-030-02/20 od 18.11.2020. godine (Poglavlje III – Uslovi za kvalifikaciju, stav 1.8. – Uzorak, katalog sa tehničkim specifikacijama, str. 9).

Na osnovu gore navedenog, u skladu sa članom 68. stav 4. tačka i) Zakona o javnim nabavkama („Službeni glasnik BiH“, broj 39/14) ponuda ponuđača Thermal Process Solutions d.o.o. Zenica se odbacuje, jer nije u skladu sa uslovima iz tenderske dokumentacije.

Ugovorni organ napominje da je postupak javne nabavke strogo formalan postupak koji sadrži niz formi koje moraju da se ispune, kako bi isti zadovoljio tražene uvjete tenderskom dokumentacijom, zakonskim i podzakonskim aktima, te da svaka nepotpunost dokumentacije, a koja je kao takva tražena u Tenderskoj dokumentaciji sa svim obaveznim elementima, čini povredu postupka.

Članom 57. stav (1) Zakona o javnim nabavkama BiH propisano je da su ponuđači dužni da se pridržavaju uslova i zahtjeva iz tenderske dokumentacije, što ponuđač, između ostalog, nije učinio u vezi sa starošću aktuelnog izvoda iz sudskog registra, te dostavljanjem tehničke dokumentacije, crteža i slika.

Članom 68. stav (1) Zakona o javnim nabavkama BiH propisano je da ugovorni organ odbacuje ponudu ako je ponuđač dostavio nepotpune dokaze iz članova 45. do 51. Zakona o javnim nabavkama BiH.

Članom 68. stav (4) tačka i) Zakona o javnim nabavkama BiH propisano je da ugovorni organ odbacuje ponudu ako ponuda nije potpuna i ne ispunjava zahtjeve iz tenderske dokumentacije.

Naprijed navedeni članovi Zakona o javnim nabavkama BiH su osnov za odbacivanje ponude ponuđača.

Budući da Komisija Ugovornog organa zaprimljenu ponudu nije ocijenila prihvatljivom u pravnom i tehničkom smislu, to se nije pristupilo zakazivanju tenderskom dokumentacijom predviđene e-Aukcije.

Komisija je direktoru Ugovornog organa dostavila Zapisnik o pregledu i ocjeni ponuda i prijedlog o poništenju postupka: konkurentskog zahtjeva za dostavu ponuda za nabavku laboratorijskog uređaja za hemijsku i termičku obradu materijala opremljenog mjeračima protoka, manometrima, PLC i ostalom pratećom opremom broj 238-030/20 od 17.11.2020. godine

Iz gore navedenih razloga u skladu sa članom 69. točka 1. i 2. d) Zakona o javnim nabavkama BiH odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba Ugovornom organu u roku od pet dana od dana prijema ove odluke.

Direktor

Ensar Mulaosmanović, mr.dipl.ing

Dostavljeno:
1x TPS Zenica
1x portal e-Nabavke
1x a/a

